

Vlade Federacije Bosne i Hercegovine, federalni ministar rada i socijalne politike donosi

**RJEŠENJE**  
**O FORMIRANJU KOMISIJE ZA DAVANJE STRUČNOG**  
**MIŠLJENJA RADI UTVRĐIVANJA STATUSA POSEBNE**  
**KATEGORIJE CIVILNIH ŽRTAVA RATA**

I.

Formira se Komisija za davanje stručnog mišljenja radi utvrđivanja statusa posebne kategorije civilnih žrtava rata (u daljem tekstu: Komisija), i to u sastavu:

- 1) Mr. sci. Saliha Đuderija, diplomirani pravnik, Ministarstvo za ljudska prava Bosne i Hercegovine, predsjednik;
- 2) Mr. sci. Esmā Palić, diplomirani psiholog, Federalno ministarstvo rada i socijalne politike, član;
- 3) Željko Škarica, diplomirani pravnik, Federalno ministarstvo pravde, član;
- 4) Doc. dr. sci. Halima Hadžikapanović, diplomirani psiholog, Federalno ministarstvo zdravstva, član;
- 5) Prim. dr. Fehma Kovač, specijalista neuropsihijatar, Institut za medicinsko vještačenje zdravstvenog stanja u Sarajevu, član.

Za obavljanje administrativno - tehničkih poslova imenuje se Nikolina Jurešić, uposlenica Federalnog ministarstva rada i socijalne politike.

Mandat Komisije je četiri godine.

II.

Zadatak Komisije iz tačke I. ovog rješenja je da na zahtjev centara za socijalni rad ili službi socijalne zaštite, provede postupak utvrđivanja činjenica i donese stručno mišljenje da li je podnosilac zahtjeva posebna kategorija civilne žrtve rata iz člana 54. stav 3. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16).

III.

Naknada za rad predsjednika, članova Komisije i lica koje obavlja administrativno - tehničke poslove, utvrdit će se posebnim rješenjem, a u skladu sa članom 41. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12) i čl. 8. i 9. Uredbe o načinu osnivanja i utvrđivanju visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", br. 48/14, 77/14, 97/14 i 58/15).

IV.

Ovo rješenje stupa na snagu narednog dana od dana objave u "Službenim novinama Federacije BiH".

Broj 06-34/2-65/17

13. januara/siječnja 2017. godine  
Sarajevo

Ministar  
**Vesko Drljača, s. r.**

54

Na osnovu člana 79 b. stav 4. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16), federalni ministar rada i socijalne politike donosi

**PRAVILNIK**  
**O RADU KOMISIJE ZA DAVANJE STRUČNOG**  
**MIŠLJENJA RADI UTVRĐIVANJA STATUSA POSEBNE**  
**KATEGORIJE CIVILNIH ŽRTAVA RATA**

Član 1.

(Predmet)

Ovim pravilnikom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16 - u daljem tekstu: Zakon), uređuje se postupak, organizacija, način rada, način donošenja stručnog mišljenja, sadržaj obrazaca stručnog mišljenja i ostala pitanja vezana za rad Komisije za davanje stručnog mišljenja radi utvrđivanja statusa posebne kategorije civilnih žrtava rata, (u daljem tekstu: Komisija).

Član 2.

(Korištenje izraza)

Izrazi koji se u ovom pravilniku upotrebljavaju u jednom gramatičkom rodu se bez diskriminacije odnose i na muškarce i na žene.

Član 3.

(Podnošenje zahtjeva)

- (1) Postupak donošenja stručnog mišljenja pokreće centar za socijalni rad ili služba socijalne zaštite na čijem području podnosilac zahtjeva ima prebivalište.
- (2) Postupak pred Komisijom pokreće se podnošenjem Zahtjeva za donošenje stručnog mišljenja o tome da li je podnosilac zahtjeva žrtva seksualnog zlostavljanja i silovanja, isključivo putem propisanog Obrazca Z1.
- (3) Obrazac Z1 je sastavni dio ovog pravilnika i sadrži:
  - a) naziv centra za socijalni rad ili službe socijalne zaštite koja podnosi zahtjev,
  - b) lične podatke o podnosiocu zahtjeva,
  - c) popis dostavljene dokumentacije u prilogu,
  - d) pečat i potpis ovlaštenog lica centra za socijalni rad ili službe socijalne zaštite;
- (4) Radi zaštite ličnih podataka i privatnosti podnosioca zahtjeva, popunjeni i ovjereni Obrazac Z1 sa kompletiranom dokumentacijom, dostavlja se u zatvorenoj kovrti na adresu Federalnog ministarstva rada i socijalne politike (u daljem tekstu: Ministarstvo), sa naznakom: "SM - NE OTVARAJ".

Član 4.

(Sadržaj zahtjeva)

- (1) Centar za socijalni rad ili služba socijalne zaštite uz popunjeni obrazac Z1 Komisiji dostavlja sljedeću dokumentaciju:
  - a) ovjerenu kopiju lične karte podnosioca zahtjeva,
  - b) prijavu mjesta prebivališta,
  - c) medicinsku dokumentaciju ili dokumentaciju o daljem toku liječenja, ukoliko ista postoji,
  - d) drugu dokumentaciju koja upućuje na okolnosti događaja (policijski zapisnik, potvrda Crvenog krsta i dr. dokumente),
  - e) kopiju sudske presude, ukoliko ista postoji,
  - f) uvjerenje o preživjelom seksualnom zlostavljanju i silovanju izdato od strane ovlaštenog udruženja.
- (2) Obaveznu dokumentaciju koja se prilaže uz obrazac Z1 čine dokumenti navedeni u tač. a), b) i f) stava (1) ovog člana.
- (3) Ukoliko postoji pravosnažna sudska presuda, uz obrazac Z1 dostavljaju se samo dokumenti navedeni u tač. a) i b) stava (1) ovog člana.

## Član 5.

## (Prijem zahtjeva)

- (1) Po prijemu zatvorene koverta sa naznakom: "SM - NE OTVARAJ", ta se koverta u Ministarstvu, bez otvaranja, protokoliše sa oznakom SM + broj protokola Ministarstva sa nazivom pošiljaoca - centra za socijalni rad ili službe socijalne zaštite.
- (2) Ovlašteni službenik Ministarstva dužan je zaprimljene koverta iz stava (1) ovog člana dostaviti tehničkom licu zaduženom za obavljanje administrativno-tehničkih poslova za Komisiju, koji ove koverta, u roku od tri dana, dostavlja predsjedniku Komisije.
- (3) Predsjednik Komisije dužan je najkasnije u roku od osam dana od dana prijema zahtjeva sazvati sastanak Komisije.

## Član 6.

## (Prikupljanje dodatnih informacija)

- (1) U svrhu dodatnog razjašnjenja okolnosti bitnih za donošenje stručnog mišljenja Komisija prije donošenja stručnog mišljenja, može zatražiti dodatne pisane informacije i/ili pozvati i predstavnike udruženja koji su podnosiocu izdali uvjerenje o činjenici da je preživio seksualno zlostavljanje i silovanje.
- (2) Informacije i činjenice prezentirane na sastanku Komisije, usmeno od strane predstavnika udruženja, obavezno se unose u zapisnik, i taj dio zapisnika obavezno potpisuje osoba koja je prezentirala informacije.

## Član 7.

## (Razgovor sa podnosiocem zahtjeva)

- (1) Komisija će u slučaju potrebe obaviti razgovor sa podnosiocem zahtjeva za priznavanje statusa civilne žrtve rata (u daljem tekstu: CŽR) iz člana 54., stav 3. Zakona, te može zatražiti i/ili pribaviti i drugu dokumentaciju relevantnu za donošenje stručnog mišljenja.
- (2) Razgovor sa podnosiocem zahtjeva iz stava (1) ovog člana, obavlja se neposredno uz zakazivanje intervjua a izuzetno uz pristanak podnosioca zahtjeva može biti obavljen telefonski.
- (3) Razgovor sa podnosiocem zahtjeva iz stava (1) ovog člana obavlja samo jedan član kojeg odredi Komisija, a prema smjernicama za vođenje intervjua koje će utvrditi svojim Poslovnikom o radu.

## Član 8.

## (Rokovi donošenja stručnog mišljenja)

- (1) Stručno mišljenje Komisija je dužna donijeti najkasnije u roku od 15 dana, od dana prijema zahtjeva.
- (2) Izuzetno ukoliko je za donošenje stručnog mišljenja potrebno pribaviti dodatne dokaze rok iz stava (1) ovog člana može se produžiti najviše za još 15 dana.
- (3) Stručno mišljenje dostavlja se uz kompletan spis predmeta nadležnom centru za socijalni rad ili službi socijalne zaštite na dalji postupak.
- (4) Komisija zadržava pravo da svu pribavljenu dokumentaciju koja se odnosi na okolnosti događaja arhivira u Ministarstvu i kompletira u spis predmeta za svakog pojedinog podnosioca zahtjeva CŽR iz člana 54. stav 3. Zakona.

## Član 9.

## (Organizacija rada Komisije)

- (1) U skladu sa članom 5. stav (3) ovog pravilnika, predsjednik Komisije zakazuje sastanak Komisije u posebno određenim prostorijama Federalnog ministarstva rada i socijalne politike.
- (2) Sastanak može biti zakazan uz slanje printanog ili elektronskog poziva, a u izuzetnim slučajevima hitnosti sastanak se može zakazati i telefonskim putem.

- (3) Lice zaduženo za obavljanje administrativno-tehničkih poslova za Komisiju vodi zapisnike o radu Komisije i vrši sve aktivnosti vezane za rad s predmetima.
- (4) Svi akti Komisije dostavljaju se uz popratni akt Ministarstva, potpisan od strane ministra ili osobe koju on ovlasti i ovjeren pečatom Ministarstva.
- (5) Komisija na konstituirajućoj sjednici donosi Poslovnik o radu.

## Član 10.

## (Načela rada Komisije)

Komisija ima obavezu da primjenjuje i poštuje sljedeća načela:

- a) rodne jednakosti i ravnopravnosti,
- b) zabrane diskriminacije po bilo kojoj osnovi,
- c) zaštite ličnih podataka i privatnosti,
- d) senzibilizirani i individualizirani pristup i
- e) princip efikasnosti u radu.

## Član 11.

## (Način rada Komisije)

- (1) Komisija će svoje stručno mišljenje zasnivati na informacijama, činjenicama, dokumentima (dokazima), sadržanim u predmetu, a koje ukazuju na postojanje jednog od sljedećih oblika seksualnog zlostavljanja i silovanja:
  - a) vaginalna, analna ili oralna penetracija seksualne naravi bilo kojim dijelom tijela ili predmetom u tijelo druge osobe,
  - b) ozljeđivanje s teškim posljedicama kao što je odstranjivanje, obrezivanje ili drugi oblik sakaćenja cijelog ili bilo kojeg dijela spolnog organa osobe,
  - c) izazivanje nasilne trudnoće,
  - d) izazivanje pobačaja,
  - e) oduzimanje biološke reproduktivne sposobnosti osobe,
  - f) seksualno porobljavanje,
  - g) drugi oblik seksualnog nasilja usporedive težine prema dostupnoj sudskoj praksi ISTY sudova i sudova u Bosni i Hercegovini;
- (2) Seksualno zlostavljanje i silovanje iz stava (1) ovoga člana je ono koje je počinjeno prema drugoj osobi bez njezina pristanka ili upotrebom sile ili prijetnje, te navođenjem druge osobe da bez svog pristanka nad samom sobom ili nad trećom osobom obavi radnju iz stava (1) ovoga člana.
- (3) Žrtva seksualnog zlostavljanja i silovanja u smislu ovog pravilnika je osoba prema kojoj je počinjeno ili koja je, u okolnostima zatočeništva, nad samom sobom ili trećom osobom navedena na počinjenje jednog ili više oblika seksualnog nasilja u skladu sa ovim članom, od strane vojne ili policijske osobe, te pripadnika paravojnih postrojbi i grupa ili civilne osobe koja je na počinjenje seksualnog nasilja potaknuta ili prisiljena od strane tih osoba.

## Član 12.

## (Donošenje stručnog mišljenja)

- (1) Komisija u pravilu zasjeda u punom sastavu i stručno mišljenje donosi konsenzusom.
- (2) U slučaju kada ne postoji konsenzus stručno mišljenje se donosi većinom glasova svih članova Komisije, s tim da članovi Komisije koji nisu saglasni sa većinom imaju mogućnost izdvojiti svoje mišljenje.
- (3) Stručno mišljenje Komisije je važeće i u slučaju kada je doneseno uz sudjelovanje najmanje tri člana Komisije, ali isključivo ako je doneseno konsenzusom.
- (4) U slučaju kada je nadležni prvostepeni organ u predmetu donio rješenje kojim se odbija priznavanje statusa CŽR iz člana 54., stav 3. Zakona, drugostepeni organ može, ukoliko pribavi nove dokaze ili dođe do novih saznanja o

činjenicama relevantnim za davanje mišljenja, zatražiti od Komisije ponovno izjašnjavaње u tom predmetu, u formi dopunjenog stručnog mišljenja.

Član 13.

(Sadržaj obrasca)

- (1) Obrazac za donošenje stručnog mišljenja Komisije - SM obavezno sadrži:
- broj predmeta,
  - naziv centra za socijalni rad ili službe socijalne zaštite putem koje je podnosilac podnio zahtjev,
  - datum prijema zahtjeva,
  - datum donošenja stručnog zahtjeva,
  - lični podaci o podnosiocu zahtjeva,
  - listu dokumentacije dostavljene uz zahtjev,
  - stručno mišljenje Komisije sa obrazloženjem,
  - potpis predsjednika i svih članova Komisije.
- (2) Obrazac SM iz stava (1) ovog člana nalazi se u prilogu ovog pravilnika i njegov je sastavni dio.

Član 14.

(Izveštavanje)

Komisija o svom radu sačinjava godišnji izvještaj, koji podnosi Vladi Federacije Bosne i Hercegovine putem Federalnog ministarstva rada i socijalne politike.

Član 15.

(Troškovi prevoza za podnosioca zahtjeva)

Refundacija troškova prevoza za CŽR iz člana 54. stav 3. Zakona vršit će se u skladu sa članom 82. tog zakona.

Član 16.

(Saradnja sa drugim institucijama)

Saradnju sa drugim institucijama Komisija realizuje putem Federalnog ministarstva rada i socijalne politike.

Član 17.

(Javnost rada)

Sve informacije o radu Komisije javnosti saopćava isključivo Federalno ministarstvo rada i socijalne politike.

Član 18.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 06-34/2-65/17

05. januara/siječnja 2017. godine  
Sarajevo

Ministar  
**Vesko Drljača**, s. r.

(SI-53/17-F)

**BOSNA I HERCEGOVINA**  
**FEDERACIJA BOSNE I HERCEGOVINE**  
**FEDERALNO MINISTARSTVO RADA I SOCIJALNE POLITIKE**  
**KOMISIJA ZA DAVANJE STRUČNOG MIŠLJENJA RADI UTVRĐIVANJA STATUSA**  
**POSEBNE KATEGORIJE CIVILNIH ŽRTAVA RATA**  
**SARAJEVO**

Obrazac Z1

**ZAHTJEV ZA DONOŠENJE STRUČNOG MIŠLJENJA**

Centar za socijalni rad / Služba socijalne zaštite podnosioca zahtjeva	
Broj predmeta	
Datum podnošenja zahtjeva	

**I. PODACI O PODNOSIOCU ZAHTJEVA**

Ime, ime jednog roditelja, prezime	
Datum i mjesto rođenja	
Adresa prebivališta	

**II. DOKUMENTACIJA DOSTAVLJENA UZ ZAHTJEV**


MP

POTPIS OVLAŠTENOG LICA

Obrazac SM

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO RADA I SOCIJALNE POLITIKE  
KOMISIJA ZA DAVANJE STRUČNOG MIŠLJENJA RADI UTVRĐIVANJA STATUSA  
POSEBNE KATEGORIJE CIVILNIH ŽRTAVA RATA  
SARAJEVO**

Broj predmeta	
Centar za socijalni rad/Služba socijalne zaštite podnosioca zahtjeva Datum prijema zahtjeva	
Datum donošenja stručnog mišljenja	

**I. LIČNI PODACI PODNOSIOCA ZAHTJEVA**

Ime, ime jednog roditelja, prezime	
Datum i mjesto rođenja	
Spol	
Broj lične karte	
Adresa prebivališta	
Općina	

**II. DOKUMENTACIJA DOSTAVLJENA UZ ZAHTJEV**

R/b	

**III.**

Na osnovu člana 79 b. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“ br: 36/99, 54/04, 39/06, 14/09 i 45/16), Komisija za davanje stručnog mišljenja radi utvrđivanja statusa posebne kategorije civilnih žrtava rata donosi:

**STRUČNO MIŠLJENJE**

<b>MIŠLJENJE:</b>	
<b>OBRAZLOŽENJE:</b>	

**IV. IZDVOJENA MIŠLJENJA U POSTUPKU DONOŠENJA STRUČNOG MIŠLJENJA**

--

**V. KOMISIJA**

<b>Član I</b>	
<b>Član II</b>	
<b>Član III</b>	
<b>Član IV</b>	
<b>Član V</b>	